

ria non dubitasse di la sua fede, sua moglie e figliuoli meno con si in questa terra, et qui vi sono.

*Item*, domino Bonifazio da Sonzim, si dicea era marchesco, *etiam* fo mandato di qui a star, per bon rispetto.

*Item* fo dito, esser stà mandati alcuni homeni maritimi, erano a la custodia di la porta di la Saonaruola, a li cai di X; *tamen* fo dito et non se intese il vero, si che 0 fu.

*Di Feltre, di sier Zuam Dolfm, provedador, de 20.* Come l' imperador è a Perzene con 400 cavali et 500 fanti, e altre particolarità. *Item*, di uno capo con 200 fanti, li è stà mandato li, non è zonto con 70, il resto ave li danari e fuzino; il qual capo nome Nicolò Albanese.

*Di Cividal di Belun, di sier Nicolò Balbi, provedador.* Come quelli di Premier e Vicina par vogliano ben couvicinar e mantenir certe trieve.

In questa matina, in colegio, hessendo stà notadi zercha 40 zentilhomeni di andar a Padoa con X homeni per uno, con ducati 40 al mexe, fo terminato balotarli, et quelli passavano la mità dil colegio, fuseno rimasi et fosseno expediti a Padoa o Treviso, dove parerà. Et cussi fonò electi numero XXI, che passò, la nome di qual è questi; et quelli hanno il non davanti, recusono di andar *ete*.

*Rimasti in colegio per andar con X homeni per uno, a Padoa over Treviso.*

- Non. Sier Francesco Arimondo, patron a l' arsenal, *quondam* sier Nicolò.
- Sier Bernardin Contarini, fo conte a Traù, *quondam* sier Zuam Mathio.
- Sier Hironimo Capello, fo vice capetanio al colfo, *quondam* sier Carlo.
- Sier Pexaro da cha' da Pexaro, fo soracomito, *quondam* sier Francesco.
- Sier Alexandro da cha' da Pexaro, fo capetanio in Cadore, *quondam* sier Nicolò.
- Sier Vincenzo da Riva, fo sopracomito, di sier Bernardin.
- Non. Sier Alvixe di Prioli, è di pregadi, *quondam* sier Zuanne.
- Sier Zacaria Loredan, fo capetanio di le galie bastarde, *quondam* sier Lucha.
- Sier Bortolo Moro, fo capetanio di la Citadela di Verona, *quondam* sier Francesco.
- Sier Valerio Marzello, fo di pregadi, *quondam* sier Giacomo Antonio, el cavalier.
- Non. Sier Francesco Marzello, fo sopracomito, *quondam* sier Andrea.

Sier Zuam Moro, è a le raxon nuove, *quondam* sier Damian.

Sier Polo Nani, fo provedador sora i officij, *quondam* sier Giacomo.

Non. Sier Almorò Pixani, fo vice capetanio al colfo, *quondam* sier Hironimo.

Sier Nicolò Pasqualigo, fo patron a l' arsenal, *quondam* sier Vetur.

Non. Sier Alvixe Soranzo, fo a l' asedio di Padoa, 199\* *quondam* sier Vetur, dal banco.

Sier Vincenzo Valier, fo di pregadi, *quondam* sier Piero.

Non. Sier Francesco Valier, è di pregadi, *quondam* sier Hironimo.

Sier Alvise da Canal, fo sopracomito, *quondam* sier Luca.

Sier Alvixe Zorzi, è ai X officij, *quondam* sier Antonio, el cavalier.

Sier Lunardo Zastignan, fo sopracomito, *quondam* sier Unfrè.

Da poi disnar fo pregadi per risponder a le letere di Roma.

Fo chiamà li 4 zentilhomeni, erano im pregadi, electi ad andar a Padoa: il Prioli e Rimondo refudono, il Zorzi et Moro veneno zoso a metersi in horidine e andono.

Fo fato scurtinio di 2 ai X savij a tansar, che manchava, et 2 di respeti, et rimaseno sier Antonio Morexini, fo baylo a Corfù, *quondam* sier Michiel, et sier Piero Trum, è di pregadi, fo di sier Alvise; di respeti, sier Zuam Miani, è di pregadi, *quondam* sier Giacomo, et sier Vetur Pixani, è di la zonta, *quondam* sier Marin.

Fo posto, per sier Antonio Trum, procurator, savio dil consejo, di revochar la parte di meter arzenti in zecha con fature, et fe' lezer quelli si haveano dà in nota, haver zercha marche 800, tra i qual sier Zorzi Emo marche 60, e li altri, e mostrò ch' è danno a la Signoria 45 per 100; et posta la dita parte per lui solo, fo presa di largo la revochatiom, quanto apartien a le fature.

Fo posto, per li savij, d' acordo, una letera in corte a l' orator, in risposta a le proposition fateli in materia di la liga per l' orator yspano, zercha alcune dechiaration di capitoli bisognava; et posto la letera, sier Francesco Foscari, el cavalier, contradise. Li rispose sier Alvise da Molin, savio dil consejo, suo cugnato. Andò la letera: 50 di no, il resto de si, e fu presa, *videlicet* darli commission, concludi ad ogni modo, e fazi comme si pol, purchè la liga